

16
SCIENTIA VOCIS, 90

S I V E 34-6-E-8-

DE D. IVONE

PAUPERVM PATRONO

O R A T I O

HABITA IN EIVSDEM TEMPLO
AD EMINENTISS.

S. R. E. CARDINALES

A BERNARDINO CITTADONO

Seminarij Rom. Cleric.



ROMÆ, Ex Typographia R. C. Apost. MDCXXXVII.

SUPERIORVM PERMISSV.

PROOF ATTACHED

RECEIVED

AMERICAN

STANDARD

OF THE

AMERICAN

STANDARD

ASSOCIATION

OF THE

AMERICAN

STANDARD

OF THE

AMERICAN

STANDARD

OF THE

AMERICAN

STANDARD

OF THE

AMERICAN

STANDARD

AMERICAN

STANDARD

Eminentissimo Principi

ANTONIO
BARBERINO
S. R. E. CARDINALI
AMPLISSIMO.



BERNARDINVS CITTADONVS F.



FFERO Tibi VO-
CEM Oratorum San-
ctissimi (Card. Em.)
munus exile naturà,
sed maximum virtute
IVONIS, cuius in
ore nil paruum est, in
quo salus & innocentia virtutis oppressæ,
toties in tuto creuerunt. Veretur hæc ta-
men ne post tot ætatum intervalla quibus
obmutuit, minus amicè ab hominibus non
sæculi sui nunc iterum audiat. Sed timori

MEIOZ

A 2

fuo

suo consuluit sapienter, dum nihil ante
 protulit quam Principem ANTONIVM
 BARBERINVM: vt omine quam feli-
 cissimo inciperet loqui ab nomine Tuo,
 quo nihil inter homines aut amabilius, aut
 maiori veneratione auditur. Etenim nihil
 suauius esse potest hoc nomine quod inci-
 pit à Floribus ac desinit in Mel. Et est mihi
 quoque quod gratuler suauitatem huius
 Vocis ab nomine Tuo potissimum accersi-
 tam. Nempe, Consiliū erat euulgandi quæ
 Tuo iampridem ab PARENTE MAGNO
 PRINCIPE, in me, ac Patrum meum
 collata beneficia, sic auges in dies: vt iam
 septennium ipsum, Romanarum & virtu-
 tum, & artium in Seminario, beneficam
 aūram munificentiae Tuæ spirem. Vox de-
 erat inculto Tyroni cōsilio suo non impar;
 Hanc suffeci, & Tuo quod profert, &
 IVONIS à quo profertur, nomine prae-
 potentem. Neque mihi dubium est, quin
 omnibus sim persuasurus hac Voce, me, vt
 Tuæ liberalitatis obstetricio reductus in Sa-
 pientiae lucem, per Te viuos, sic æternum, vt
 Spondeo, Voueoque, Tibi victurum. Vale.

SCIENTIA VOCIS. ORATIO.



SVAVE Prodigium ! O
redditam aliquando Super-
stitutione abolitā materiam au-
gurandi. Ecce dum assidet
IVO medius inter Conui-

*Annicula
humeris
infidet l-
nonis in-
ter men-
dicos &
hospites
assidentis
Sur. 19.
May.*

uas è triuio, familiaresque
assecclas è mendicis circumforaneis, incertum
quā regione cœli delapsa, humeris infedit
Auicula, versicolori pompa plumarum illu-
stris, quæ gemino in syrmate alarum hinc
inde maiestate rutilanti ad ambitum explicatā,

Vocem per modulōs, & garritus ad numerum
reperitos, non tam naturā profectō canorā quam
miraculo diuinā emisit. Vaticinor Em. PP. nam
vaticinari necesse est eum, quisquis ad Purpuræ
Vestrae lucem, vt Memnon ad Solem, os resol-
uit. **SCIEN TIAM VOCIS** in Patrono, cu-
ius ars omnis & vitā, labor, industria, Census
in voce est, Auicula Vocis magistra commendat.

Ita pronunciant aures, dum ad ecœli matutini
delicatissimas Voces, huc illuc per aërem, &
virgulta volitantes, arrectæ silentio sententiam
ferunt. Hanc Auibus scientiam in subtilissimi

corporis dotem natura commodauit, vt quidquid vel humanis ab vocibus extorquet industria, laboriosè modulata per tot leges & numeros, & musicæ disciplinæ formidolosos characteres, quos appellauerim iure scopulos Syrenarum, vel expressum ab animo sponte per vocem mentis interpretem affectus emittit: Id omne, quâ perfectissimum esse potest, in quotidianis auicularum concentibus, tanquam in Academia Vocis auditur. Ausculta sis modo Scientiam Vocis in vocali natione multiplicè. Nunc modulis numerosa tarditate languentibus amabiliter FLEBILIS, iucundissimisque suspirijs intercisa, vt luget ad delicias, & morret ad Pompam: nunc INCITATA vehementius, vt sese blanda ferociter in cœlum attollit; ac velut ab arce superior Classicum canit irata. Hæc, vt molliter EFFICAX se per aures insinuat, & animos rapit modulorum contentione victrici. Illa, vt paruos fœtus ante dispersos, modulatione PIA cogat ad sese, & media regnet in Corona plebeiarum. Auium, quæ hanc vitæ ducem ac principem, silentio veneratæ comitantur. Ista, vt multitudinem dedignata, suas solitudini credit opes, & à terrâ longissime superuolans, solis syderibus dulcissima COBLESTIS cantus donatiua se ipsâ teste ac Iudice contenta dispensat.

Vati-

7

Vaticinor iterum, Auditores, tanquam au-
 spicio garrituque cœlestis Auicula IVONIS
 in vertice quiescentis. SCIENTIAM habet
 VOCIS Patronorum eloquentissimus IVO:
 Cui pietas, motus; Modestia, gestus; Pupil-
 lorum Silentium, vocem; Pauperum squa-
 lor, & sordes, ornamenta dictionis ac figuras,
 peroratrices lachrymas, oppressorum Cala-
 mitas; Innocentia dedit argumenta. SCIENTIAM
 habet VOCIS, quem sola Virtus ac pie-
 tas, non artificium aut natura, fecere disertum.
 Et quidquid in hoc multiplici varioque volu-
 crum cantu Scientiæ natura dissipavit: id Di-
 uinus Amor, longè nobilior artifex dicendi,
 collegit in IVONIS admirabili voce; quæ
 totidè prodigijs vna, ubique ad miraculum, pro
 Tribunali; tarda & PLEBILIS, è subsellijs,
 INCITATA, flexamina, & EFFICAX in suggestu,
 in Triuijs PIA, COELESTIS in solitudine, tot
 edidit oracula semper, quor verba formavit.

Si non liquet, accedite huc propius ad Tri-
 bunal, dum publica potestate ius dicit. Ecce
 autem illius latera cingit vtrinque vel litigan-
 tium vel reorum multitudo, & ab eius voce fa-
 tum quisque suum anceps, & dubius, spem in-
 ter ac metum expectat. Eugene quid tamdiu fal-
 lis tot hominum vota, fortunamque instabilem,
 & incertam, cuiusque suspendis? Vides ut suum

quisque iudicium, tacitus sibi quidam quizsitor, & tortor, spe iam præcipit aut timore? hos enecas ea diuturnitate silentij, etenim nescio quid anceps, & medium vitam inter ac mortem hæc mora est; nec viuere dicendus est, qui expectat ab iudicis ore an debeat interire. Loquitur ille tandem, Auditores, & assurgit aliquando sententiam prolaturus, sed non prius ore quam lachrymis. Nulla est profecto longa cunctatio de hominis morte, neque vnquam legitime Rei mors in iudicio prætoris Vocem hanc sequitur, quam dolor & gemitus non præcedunt. Nempe parturiendum est ei cum dolore morà, & lachrymis, quæ tristem hunc fœtum capitalem hominis pœnam, præpostero partu, in mortem enitetur. Quandiu sic latuit scelus vt negari non impudenter potuerit, dissimulauit vt amicus: vbi personam deposuit, aut amisit, comploratorem egit lachrymis ac propinquum, tum Iudicem ore; vt scilicet acerbitatem iustitiæ temperaret suauitate pietatis, & verbi asperitatem infelicis, profluuium lachrymarum emolliret. O Vocem amabiliter flebilem in IVONE, quæ non ante iusta quam pia, parentabat prius hominibus, quam damnabat: quemadmodum Aues Ægyptias olim, cum perirent passim Ægyptij pestifera cœli gravitate, flebiliter denunciassent proditum, est calamitatem

*Melian.
lib. 16. 25*

• *hinc*

• *A A*

hac

hac Voce, malis hominibus mala. Typus
IVONIS videlicet adhibentis luctu sola-
tium malo, quod Iudicis ore inferebat, nimi-
rum ut utrinque simul iusta perfolueret, & pu-
blicæ tranquillitati, Voce crimen supplicijs ad-
dicente, & pereuntibus Reis, pio gemitu la-
chrymisque.

An audire lubet incitatum, & post lachry-
marum imbrem atrociori tempestate fulmi-
nantem? transferte huc oculos ab Magistratus
Tribunali, ad oratorum subsellia, in quæ iam
Patronus ex Iudice, pietatis ductu descendit;
ut cum ad se dum Iudex est, interdum inno-
centia nefarijs sceleratorum artibus vincta, ve-
nire non poterat, ad eam ipse suppliciter illius
lachrymis ac precibus Aduocatus adiret. OSu-
peri? quæ nam hic domuit monstra, fugauit-
que dominatrice facundiâ Vox IVONIS!
Quoties pro innocentia perorauit, toties ab
impietate forum ac tribunalia liberauit, & in-
nocentiam orbi dedit, quam pene sacrilegus,
improborum sceleribus opprimebat. Quoties
cum impia fraude rabularum, & sycophantijs
viti ligatorum, in foro luctata est: Victrix ante
perfidiam elisit in conatu, ac fraudem elusit;
quam perfici posset, ac scelere frui. Quis igno-
ret illud miraculum quo cristatis in auibus,
præ animalium plebe maiestate quadam ex for-
tibus,

*Aelian.
lib.3.*

tibus, natura quodammodo voluit de se ipsa triumphare: Basilisco terrore sunt atque Leonibus, vel solo aspectu, si canunt, emoritur continuo Basiliscus, quasi canentibus illis, quicquid hostile est, & noxium interire necesse sit, ut quoties canunt, hoste cæso victoriam canant in Triumpho. Sic in Iudicijs regnat incitatissima Vox IVONIS. Nunquam non cecinit impietati fatale, & vel impudentissimum scelus, ac vernali præuaricatricis eloquentiæ fuso & arte disertum, obmutuit hoc patrono, sola pietatis facundia pro innocentia perorante.

Audite iam efficacē, & igneam in suggestu, dum innocentiam, ac virtutem, defensam è subsellijs, pro Tribunali conservatam, iam proponit hominibus amplectendam, & in amplissimā luce mortalium, cum orationis pompā collocatæ, mentes, & animos & studia, vestigal amoris pretiosissimum, conciliat pietati. Nec mutavit tamen officium IVONIS, sed perfecit; videlicet, non in foris tantum nostratibus contenditur seditione legitimā Patronorum; sed Deum inter & homines, in privato cuiusque Comitio lis maior est, dum asserit ille Ius suum, ac repetit fugitivos; Hi Dominum dedignantur, & vindicant sibi sacrilegam libertatem. Et vnum id sanè supererat ad IVONIS eloquentiæ maiestatem, ut qui tam sanctè Præ-
torem,

torem, homines inter egerat; ac Patronum, iam ipsius quoque Dei ad homines patronus existeret, & Dei lingua diceretur. Apage, Magorum in Perfide, postea quam regno potiti sunt, ridiculum superstitionis vanitatis monumentum. Aureas ab aureo Regum Throno pendentes auiculas, Deum linguas appellari *Philosr. lib. 1. vita Apol. Tian.* voluere; commodarunt videlicet, meris diuinitatum simulacris, commentitijsque numinibus quæ loqui non possent; linguam, quæ vel in mutis eloquens est, & oculis, manibusque percipitur non auribus, Aurum. Eloquere saniora, Vox efficax Dei ad homines, Vox IVONIS, dum vnica concione Civitatem ab auitæ superstitionis delirijs auertit ad Deum. Vox Dei est, non auribus tantum subiecta, sed oculis. *Sacrificā- si globus igneus ad- stitit. Sur. 19. Ma.* vides qui litanti superuolat ignis globum, è cælo delapsum? Ignem, diuini Amoris linguam agnosco, quoties ille cum hominibus vel è rubo, vel è monte, vel è cælo colloquitur, Voces non alio format elemento, quam ignis. Vox Dei est inserta IVONI. I nunc, & pergenti concionaturo ad pulpitem, oppone fluvium exundantem, fluctus vtrinque recedent transeunti viam aperturi, etenim ignem charitatis eloquentem extinguere, nulla vnquam flumina potuerunt. *Aguas di- uidit. Sur. ibid.*

Igneam audiuiſtis è Pulpito, en lacteam, &
sua.

suauissimo misericordiae melle manam. Vagamini tantum per triuia, plateasque; Vocem IVONIS audiri, quicquid ubique pauperum est, egenorum, & hospitem ad sese cogentis, & in publicae calamitatis Asylum; communeque paupertatis ætarium, ædes suas, amabili violentia compellentis. Relictos aut infortunio casus, aut parentum crudelitate pullos *pl. lib. 10.* implumes Aquilarum, Olsifraga voluerum, amabilissima quærit, & Voce per sylvas sollicita miserabiles fœtus inclamans, his pipire tandem persuadet, ut vocula ductu viam inueniat, & ad nidos infelices, nouerca, melior quam mater appellat. Quicquid id est hanc docuit tantum natura nondum in animantibus perfecta pietatem: Perfecit hanc virtus in IVONE, & addidit pondus pijsimæ Voci, prodigijs suauibus, ac portentis. Exhauserat censum, & suppellectilem liberalitas inexhausta, per beneficia crescens, dum minuit benefaciendi materiam, ac se ipsam sensim crescendo consumit. Sed tamen, quis persuadeat pietati hanc pauperem esse, dum supplicem videt egestatem! Oblita est rei familiaris angustiae, liberalitas assueta, non quærere domi quid superest, aut liceat dare, sed foris quid commodum esse possit, aut libeat accipere. Domesticos habet Egenos ad mensam, & superest panis frustum in epulas

*Panes
Miraculo
multipli-
cat.
Sur. 19.
Ma.*

epulas hospitibus apponendas. Vocem ingeminat, quæ saluti tot fuerat ante mortalibus, & in delicias quoque fuit lauitiasque Conuiuij. Vescuntur opiparè cuncti miraculo vocis, enimvero necesse est, hoc sumptibus cœli conuiuium apparari, quo cœli hospites aliquando egenorum in habitu excipiuntur ab IVONE. Miraris vtrique familiaritatem consortij qualis esse solet in hilaritate conuiuij, facilitatemque colloquij cum IVONE cœlestium incolarum; Cœlestis est quoque Vox IVONIS, & tam assueta sermonibus in solitudine piâ cum cœlo miscendis; quam in confertâ multitudine verbis pro communi omnium vtilitate faciendis. Minus turò committitur huius Voci mortalium salus, qui tacere nunquam nouit in terra, vt loqui discat in cœlo: nec aliquid vnquam dicet immortale, qui cum mortalibus tantum in hominum turba loquutus est. Vtinam licuisset excipere modò quæ hac in solitudine, quæ se IVO subducebat per interualla mortalibus, vt se assereret cœlo, longè ab hominum cœtu, eloquentissimus oratorum hoc in silentio, sibi solus testis, & corona solus, & Theatrum, cum Numine loquebatur. Quæ dies septem, & amplius sine cibo, vt integrum cœlo reseruaret cœlestibus colloquijs os sacratum, cum beatis spiritibus, toto ad libitum gauisus cœli cōmer-

*Angelos
excipit
conuiuio.
ibid.*

cio

cio conferebāt. At opinor, nimius est rerum hic strepitus humanarum, ut concentus cœli possit ille mirabilis exaudiri, nec quæ dulcissimè canit Avis Paradisiaca, quod pedibus uti dedignatur ut cœli vicinā semper alarum beneficio frui possit, percipitur vnquam auribus ab humanis.

I fruerere Deo Vox Cœlestis, nec Te diutius interpellat in cœlesti colloquio, Vox laudatoris inculca. Scientiam habes Vocis, & quicquid vbique perfectum, arte, naturā, vel miraculo, Vox inter homines mortalis accepit: Id pietas Tibi Tua, Virtus, Industria; compararunt. Pudet, me balbutientem audiri dum loqueris, & suauitatem Vocis Tuæ, orationis huius meæ asperitate violare. Sed vnum tamen memineris, Imaginem vocis Echo, deesse omninò non oportere Voci Tuæ. Nunquam mihi crede nobilius quam Romanis ab collibus repercussa resonabit. Age, fac iterum audiatum cum fœnore, ut ætati nostræ perutili, sic **I V O N I** glorioso, Et toties hinc resonet feliciter Iterata, quot scilicet Romæ sunt Iudices, & Patroni.

D I X I.



